



DEO OPTIMO MAX.
UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA.

CARDINALITIIS DISPUTATIONIBUS
*manè discutienda, in Scholis Medicorum, die Jovis vigesimo-
septimo Junii, anni M. DCC. XLIII.*

M. RAYMUNDO DE LARIVIERE,
Doctore Medico, Præfide.

An Senibus vinum parcius, dilutius?

I.



UOTIDIANO corporis defectui, qui naturalis quidem, at
certè gravis est morbus; veriùs quædam mortis prolixitas; non
aliter mederi potest homo, quàm si potùs cibique adminiculo sar-
ciat quidquid illius succo continenter decedit. Videre autem & in
omni vitâ meditatum habere debet, ut id tantùm adhibeat, quo
vires reficiantur, non opprimantur: nempe ut sanitatis mater est
abstinentia, sic intemperantia malorum omnium lerna est: vir frugi omnibusque

A

2

vita partibus moderatus rectè omnia facit: potu enim pastuque parcior evigent membra omnia, viget & sui compos erectusque animus, immoderato fartum dissentumque corpus mentem obstupefacit, suas ei perturbationes allinit, obstructaque nervorum cerebri origine, ad sublimiorum rerum contemplationem non finit assurgere. Neque verò satis est nihil prorsus ultra modum atque necessitatem attingere, nisi hoc ipsum quod ingeritur, suavissimum sit, & idem facillimum ad concoquendum.

I I.

VITÆ melioris custos, & optima procuratrix frugalitas, multos funditis secundæ valetudinis bonis evertit, quòd eorum quæ restrictè assumebant, pestiferis viribus haudquaquam intellectis, insitam sibi à naturâ temperiem inculpatam sensim pessimâ commutarint. Quomodo enim citiùs atteritur lima quæ ferrum radit arduumque durissimum; ita naturalem illam viscerum chylopeorum actionem, cui conficiendi alimenti partes à naturâ datæ sunt, tum maximè frangi diminuique necesse est, cum ægrè omnino suum absolvit pensum; ipsæque interim universi corporis partes hoc promptiùs appellentis succi peregrinas induunt qualitates, quò is contumaciior, minusque coctionis patiens fuerit. Porro dispar est vitalis illa actio non solum in dispari, verum etiam in similis temperamenti, sexus & ætatis hominibus. Oris nondum cibis firmi infantibus nihil præter geminum potandi liquoris lactei fontem natura aperuit; quiddid frustra ars adjicit, malè cedit. Secùs se res habet in adultæ, florentis, constantisque ætatis hominibus, ad quorum luculentiorum velut caminum penè nullum non coquitur; vincitur, domaturque etiam valentius alimentum, viscerum tono haud amplius, ut in puerulis, ubertate circumfusi humoris hebescente; senes quos jam destituit calor, fibrarum tenet rigiditas, quorum vappidi sunt digestivi succi, velut ad vitæ carceres revocati infantium more tractandi sunt molliùs, quoque propiùs adsunt ut eorum natura morte dissolvatur, hóc paucioribus; coctoque facilioribus alimentis est sustinenda, ne, velut ligna, quem pascunt ignem, largiùs congesta suffocant, nimio aut indomito succo obruatur.

I I I.

VINUM quod succus est è maturis uvis expressus, quanquam sit è potulentorum familiâ, jure tamen & in eorum quæ nutriunt numerum potest adscribi: alit enim, sed malignè: quantoque faciliùs est potu quàm cibo impleri; tantò uberiùs infusum corpori vires inimicas effundit. Argumento sunt halitus, ructusque fætidî, sitis, inquietas nocturna, furiales somni, tremulæ manus, & quæ hoc fonte derivata morborum ilas hominem gravius solet affligere. Merum nemini non remis velisque fugiendum, & quemadmodum fert humanarum statum rerum, quò nobilius, hóc nocentius: ab hoc frequens *ἐνναιχνη*, cum vix aliquando profit vinum, sapissimè noceat, iis qui suâ sine corporis viribus sustinere nequeunt operâ; ipsisque grande nihil nisi morâ mente locuturis Poëtis relinquere: cæteros, ceu vult ille, reges quibus ingenii munus, non laterum lacertorumque tuendum est, eo carere præstaret. Staphylium tamen si audias, poterit ejus esse aliquis usus, sed rarior & parciior. Minore profecto impendio & la-

bore, at majore valetudinis commodo;³ saluberrimum ubivis obviæ & ante nos genitæ aquæ liquorem cæterarum more animantium quisque ad potum adhiberet, nisi magna pars hominum, dum se non capit, voluptuarii potûs dulcedine perindè caperetur, ac si non aliud sit vitæ præmium. hæc tessera suum sibi conciliat atque demeretur hospitem hostis infestissimus, si quando vim manifestam non asserat, clam certè jugulum petiturus.

I V.

NUM interpretari licet opinionem ejus qui putavit vinum munus esse pulcherrimum mortalibus à Deo immortalibus tributum? Tardum scilicet dictu plura homini creet bona, an mala? Est quidem hoc ornatum privilegio, ut spirituosâ quâ pollet substantiâ jacentes, dissipatæque vires fuscitet colligatque promptissimè. At non tanti illud est, ut cætera quibus corpus animumque malè mulctat incommoda, hoc, quod etiam ad nos aliundè venit, beneficio redimantur. Nempe inani acceptum ventriculo, magno ejus damno ac tormento fervet, æstuat, immaniùsque debacchatur; ipsos autem ubi nactum est cibos, statim pessundat & corrumpit, ac si quando crudos & inquinatos non dejicit in ventrem magis subindè corrumpendos, turbas movet, sursum effert, ejicit, effunditque omnia; ut eo onerati non magis cibum contineant, quàm arcanum. An & propterea sui odium parit veritas, quòd sit vini filia? Planè id plusquam circeum poculum sit oportet, quòd largiusculè haustum, vel Socratem momeuto queat in Orestem vertere, quòd viscera ipsa distendit, calefacit, siccit, urit, inflamat; sanguinem, corpus, mentemque furiat, docet libidinem, cujus institores exactoresque sunt oculi, vitia omnia aut incendit, aut detegit, obstantemque flagitiosis conatibus verecundiam removet. quid quòd vini aviditatem auget ipsa bibendi consuetudo; meliorique extinctâ indole, haud secus ac terra semper madida spinas, lolium, ranaque educat; facit somnolentos, socordes, stultos, oscitantes, obliviosos nulliusque frugis homines, qui honestatis & sapientiæ lumen mentis oculis non magis aperiant, quàm ad solis radios, qui ex diuturno morbo convalescunt.

V.

TOTA igitur errant viâ, qui vinum senibus perindè atque lac pueris accommodatum esse censent; longè aliter Medicorum senatus: sive enim aliquid pristini roboris conservare; sive officii munus tueri ac exequi; sive præstare consilio, quo res magnæ geruntur; sive autoritate quæ senectutis apex est; sive denique, ut ætate antecellit, ita & sententiæ principatum tenere cupiat senex, vino debet uti dilutissimo ac parcissimo, vel si quid vult rectiùs, nullo. Equidem semovenda interdum tristis sobrietas, extrahendus aliquando in exultationem liber animus; & quo pacto amariore Lupini, ubi maduere, dulcescunt, sic senum qui penè itomachantur omnia, asperitas, & curæ, vino cui indè liberi nomen, non nunquam diluendæ. At ne in grande ventriculi detrimentum intestina lis oriatur, ne jam concussa vitæ fundamenta quatiantur, quæque tum maximè clavum tenere debet ratio, suâ se-

de vel minimum moveatur, quo quisque est adultiore senio, hoc vini, rei
omnium coctu difficillimæ, magis subducendus, in diesque minuendus est
usus: extremamque demum ætatem agentibus una ad potum objicienda mul-
sa, vel aqua decocta, hoc unum potionis genus, & firmum vegetumque cor-
pus, & tolerabilem omnique delirationis expertem facit lenectutem, non subi-
tò frangendam, sed ipsâ diuturnitate extinguendam.

Ergò Senibus vinum parcius, dilutus

Proponerat Parisiis, JACOBUS VERDELHAN-DES-MOLES,
Mimatensis, Doctor Medicus Mospeliensis, Saluberrimæ Facultatis Medi-
cinæ Parisiensis Baccalaureus, A. R. S. H. 1743. à sextâ ad meridiem.